



Chamna Aw

SUOHPAT KUM 1986

Vol. XXX

No. 3

June, 2015



**"Cha na hihleh,
cha thu-awi hin".**

**HAPPY CHILDREN'S DAY
& HAPPY FATHER'S DAY**

**"Pa khat na hih leh limbawl
theih din kisiem in".**

2015 Kum thupi:
KRISTA ISU LUNGHIM NANGMAU ALE UM HEN

Phi. 2:5

Editor: Rev. Thangkhoiem

Chamna Aw

(Evangelical Monthly)

Regd. No. 64436/96

E-mail: 7s7c7@gmail.com

7a:

PIN

--	--	--	--	--	--	--

Alak man apat ₹
If undelivered pliz return to:
ESC SECRETARIAT,
Chengkawnpang, Churachandpur,
Manipur - 795158

CHAMNA AW PHUNGVUKNA DING	
1. Chief Patron	₹ 5000.00
2. Patron Member	₹ 4000.00
3. Diamond Member	₹ 3000.00
4. Gold Member	₹ 2000.00
5. Silver Member	₹ 1000.00

Published by Rev. Thangkhoiem on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.

Chamna Aw

a sunga thu umte

• Editorial.....	01
• Fathers' Day Message.....	03
• Eden Huon (Garden of Eden).....	05
• Kak pasal gay ana hi kei mai chu e!!	09
• Thil aihna banga maituoh ngam hansanna	13
• Kristien Insung	16
• Thawhkitna chili (4).....	18
• Pate ni hung kipatdan.....	22
• Bible Study.....	23
• Nupan Pathien thiltup.....	25
• Pangen Nu Camp Report.....	26
• Who control the Church?	28
• ESC Tuilangukol Biel Report	29
• Kipah thu genna	31

EDITOR ANA HITE

1. Upa Lalkhagin	1986
2. Rev. Khaigin Gangte	1987-2005
3. Rev. Lamkhawsat	2006-2013

Vol. xxx No. 3
June, 2015

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thusuoh cheng hi ESC Ngaihndan ahi vek khel pupoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:

1. Pu S. Paukholal	Chief of Bunglon	1994
2. Ebenezer Chapel	D. Phailien	2014
3. ESC Shillong	Shillong	2014
4. Mr. S.K. Juiliana	Lamphel	2014

PATRON MEMBERS:

1. Pu Henkhogin	Siempat	1994
2. Sep. L. Gangte	5th Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Soson	Dimapur	2007
10. Rev. T. Kampu	Guwahati	2008
11. Pi Phalneihthiem	Dehradun	2008
12. Pu B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2010
15. Pi Niengzalam	Chiengkawnpang	2011
16. Pu Sangvung	Chiengkawnpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthang	Shillong	2013
20. Pu L. Minlun Gangte	Shillong	2013
21. Pi Lalkim	Shillong	2013
22. Hav. H.L. Gangte	Shillong	2013
23. Ms. Grace Lalbiek	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy, SDO	H.Q. Veng	2013
27. Pu L. Sawia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev.Dr. Th. Lamboi Vaiphei	Hill Town	2015

GOLD MEMBER:

1. Pi Niengneihchoi	New Delhi	2014
---------------------	-----------	------

SILVER MEMBER:

1. Pi Sailothangi Thangzom	Old Lambulane, Imphal	2014
2. Antioch High School	Abicharan Tripura	2014

ngaitak mai a agariu mang a eina kithuohpih ahiu a amau chung ah hin kaki pah nau asang mah mah hi. Zia a chung a min kahun suk lat haw hih a mun a um ahih ziek uh ahi, Gauhati leh Manipur lam a pan ana la te hawle hun he ngilh lohieh kahihi. Pathien in nabawn chau in hun malsawm zel tauhen.

A leh lam a malsawm na

Kaloinu dam louh ziek in ministry ale deih bangtak in hun ka pie thei puoh a ahinla kumdang sang in 2014 ka buoi kum tak un gingthak 29 bap-tisma a chang ui, taksa lam a lung ngaih nading um mah leh thagau mangthai lam ah malsawm na kachang uh a Pathien kawm ah kipah thu kagenhi.

Chate Mr. Eric Thanggoulien in tukum March tha khan Grace Academy Dehradun ah Class X CBS board exam ahun chai hi, chun Miss Hannah Lalhriatrengi Class V111 asimlai ahi St. Anthony Jaigaon ah, amah hi kei uh kawm a um ahi. Kacha teu hi Pathien na semding katih uh ahiu a paucham nan eina het pih zing leu chun kipah um in a.

Kichengthak 10th March khan Bhutanese Refugee Camp Nepal ah Mr. Lakpa Tamang le Miss Neha Limbu Pathien danthiengtho a kikhutsuih na kaneih sak hi.

Baptisma 9th March khan Miss Neha Limbu'n Baptisma achang hi, thagau lam a hung khan touh zel nadin ngetsak hitiu. Bible school 21st March khan mi nga a graduate ui, Tripura ah mi khat, Burma ah mi khat, Assam ah mi nih, chun Nepal ah mikhat ahiuhi.

Paucham pih ding

1. Chiching dam na din (Chemo thumvei vat nalai)
2. Ka mawpuok na haw ka zawh theih nadin
3. Gingthak akibeh zel nadin
4. Bible school adin
5. Kasep khawm pih tedin Lalgam a ding a na sepih uh Missionary Thangcha & Chingboi

hetsakna

Kuo hileh "ELIZA" Pauchamna tang a (Cabin) In sanuom te'n Local R.S.D. te hung ki hetsak ding in kahun ngen ui.
Contact Number :- 9615048794/8119041243



HINKHUO A NASEP

Caesar Augustus thihna zalkhun a kuolhunA thugen chuh "Rome khawpi chuh Lei (Tungman) akisa ahihin ka mudawka, tuhin marble a kisadawkin ka hun taihsan sak hi" Khawvel leh Sapchuom a lawi-upa (Leaderte) chuh mi danga a dangin bang tuokdaw/hihdawk anei um tia tehin aum sek hi. Mi khenkhatte chuh kumsawttak damzolo ahim/semzolo mahleh aumnau khawvel chuh aphaltama kithengin a taihsan anei ui. Winston Churchill chun "Chanchin (History) ami ahinna pen a etdan leh tehnan chuh-Aguolzawhna ahim, aguollahna ahim, a vaihawm kum (Judge) ahi puoa, asepdawk (Result) manga tehleh vaihawmkhum ahi zawi" tin agen hi. Mi kuole amah lawkna ding chauh akimangte leh nawpsakna hawl maite chun ahin khuoa anasepphat cheng cheng chu a mansak (Lost) a, aphantna hawle bangmahlo asuok hi. Midangte phatna dinga semtute chuh aguol laka hausapen ahim hilo mah leh akimatna chu mite kipahpih ahin chun alawk tho ahi.

William Wilberforce chun poloitic ah dinmun sangtak leh apen tungzolo mahleh nalopitak a sep dawk chuh agampumpiu a suok a kimatna sukbeihna dinga tuokdawk tampi anei hi. Chuleh Wilberforce sep dawkdang chuh Suokhihna sanga huoisie zaw thilphalo asukbeih chu thil thupitak ahi tin Eric Metaxas chun agen hi.

Milopite chun midangte phatzawkna dingin ahinnau amang ui. Malai peka General Motors CEO ana pang Alfred Sloan a sepna akipata ahaih nungin, anuoia nasep chun Dolar 1.5 million hiela tam paisa tuok khawmin Alfred Sloan min leh amah zahna etsaknan Cancer Hospitala dingin atuok dawku. Puitu lopitak amah hetzingna dinga anuoia semten anasep u chuh achantak mawng ahi. Aleh lam tak ah, Napoleon chu lawhtit nuom mahmah nasep thawn khat hia

agen u chuh ahi. Akahna la hi a agen u chuh “ Zie mipi tamtakte lak ahin Lenga siem in ka um a, kuomah ei kipahpih aum puoa, lungsietna ei nei mawng mawng aum puoi. Puitute mipite muh dan diktak chuh a thih tienga mipite umdanah a kilangpen hi.

Thagau lam puitute mipi phatna dinga kimang a, mimal tinin ahin nau a Pathien deihdan ahun muhdawklawhna teu ziek chun mipi leh aputu kipakna leh lungawihna chu alien mah mah hi. Thagau lama puitute a ding a kipahna leh lungawihna lien pen chuh-Pathien gam chanchinpha nasepna zieka mite ginna a hung pitinga Pathien a dinga hung kimatnau chu, lungawih umpen ahi. Paul in Philipi Sapchuomte chu akipahna leh alal lukhuk ahih dan a sulang hi. Philipi 4:1. D, L. Moody aminthanna pen le amipite a dinga hinna a namat ziek ahi. Chuleh Moody minthanna mah mah dang kit chuh, mun tamtak ah Pathien thu gen in ahinna manga; ziekhel achun D.L. Moody Institute tih bang anei a, alopi diekna chuh anunga um zing thei Organisation anutsieh hi ahi. Chuleh, Mount Hermon school for Boys, Northfield Seminary for Girls, Chicago Evangelisation Society, leh adang dang nasep thupi tak tak khawvel a a taihsan tamtak aum hi.

Sapchuom leh Khawvel thila mawhpukna I neih sunga I septeu cheng hi tununga khangthakte a dinga ettawn ding taisan I nei thei chiet na dingum? I sepnau akipat I chawlh nung uleh mi ngaihsan leh kipah pih I hung hi na ding um. Ei mau dinmun chiet leh mawhpukna hi, Pathien a ding leh mi dangte phatna dinga kimang I hi nau em? Ei mau chiet ki ethaka, Pathien leh amite a dinga kimat zawh guochiet hi tiu. Simtute Lalpan ei vangsak chiet ta hen.



KHUTI DAH LEH

Lo kuon ding in chem ahim tucha ahim puo lo a lo kuon achieh chun bang ti'n anasep asawt die; Office kai kahi ti ngal a ni chenga, lehkha zik ding cheng a, a lawite pen ngenngen tih hawhi hidah leh... Article zik peih le hisam lo, mi article zik adiklo het theih te'n hi hidah leh!!

Tuilangkuol hih ESC'n Jammu and Kashmir guol a ineih uh, amah apat a phatchuom na bangmah pawt beklo, hilele amah tello a ESC thawmhauh theihna gam ana hi.

Zie cheng hih tuchunga Biel a khuo khen khat dinmun kahun report theih ahi a, aban thakit leh.....



KIPAH THU GENNA

A masan Chamna Aw simtu cheng cheng nab awn un I Lalpau Isu Christa min in Chibai kahun buk hi

Kipah thu

Sapchuom, nuleh pa guol leh pai te kana sep nau leh ka Loinu Mary Chingboi dam na ding a neina paucham sak ziek un na chung uh a kipah thu ka hun genhi chu leh Sapchuom leh mimal a sum leh pai a ei hun kithuoh pite chung ah adiek in kipah thu ke hun gen ui.

Tata Medical Center Kolkata

Zie mun ahih Ki at /Surgery bawl ding a kaki guot un ki at masang a Thisan hospital a piek masak ding atiu a chuleh sumleLakh nih leh akim lut ding, advance a Lakh khat leh akim na piek ding eitiu a mihing lam achun lung dawn a um thou ie, ahinla Pathien ana kasep pa kachung ana aphot na haw ka ngaih tuoh leh tha muon na lien tak mai kanei kit hi. Thisan piedad ka hawl uleh ka Bible school naupang teu minih tawm ngai tak in a hung kipieu a amau nih chuh Mangliansiam leh Gato Bhutanese ahiu a amau nih chung ahinle ka kipak mah mah ui, chun date 10th February 2015 zingkal lam dak 9:15n a at pan uh a nitak lam 4:40 in a atzou chauh ui. Zie nihin kanasep pih uh le hi (KWS Kolkata) Pastor a le pang Biakthang Vaiphei te nupan leh (ZCF Kolkata) Pastor Biaka Vaiphei leh Chairman Lamlal Phiamphu te nupan chuleh Rev. Th. Janga (Nepal Missionary) te nupan le ahung uh a damlo etna le ahung nei chiet ui, chun hospital a kahung pawt zawh un ka pansak na mun uh ah Boimuong te nupan leh Miss Tuoiboi inle sumleh pai pum in eihung veh kit ui. Pastor Biakthang Vaiphei te nupan hih abul apat a kapansak nau ahiu a tawm

- d) Sapchuom kivaihawm chu a nuom mah mah hi.
- e) Nek leh dawn gieu chau deuh in alang ui.
- f) Sapchuom in plan nei tadih lo.
- g) (Hospitality) Zin leh Leng bawl na lam ah ettawn atak mah mah ui.
- h) Loma lam ah kum dang sangin pha din alang hi.
- i) Lampi, chongmun apat Phaijang leh Phailien zawtna mitawm ziekin sukvan ahak taa, Gallon leh Bizang azawtnau anuom gelgel hi,

3. SIEMPAT ESC

- a) Inzah – 18 Mipi zah – 110
- b) Hoin kaih Nu leh Pa lam achau ua Pan alak uh a ngai mahmah hi
Pathien gama dinga thilpiek
lam a pan thak a lak uh ngai mah mah in alang hi.
- c) Sapchuom kivaihawm na lam ale ahak s amah mah hi.
- d) Nek leh dawn lam tukum chu aphot kum ahi.
- e) Lothak thai lam ah kihuo lah um thim in a lang hi.
- f) Sapchuom in Hoin siemphat ding plan guon ahi.
- g) (Hospitality) Zin leh Leng bawl /etkaw na lam ah kisiem thak deuh ngai in alang hi.
- h) Khuokal Lampi, Longpi tawh kal a nuom a, Chongmun tawh kal migam phut van thuoh ahah ziekin in ahak sai.

4. HARAN ESC

- a) Inzah – 14 mipi zah – 70
- b) Hoin kaihlam ah, Tulai tak hih that nawp a um in aphot lai ahi.
- c) Pathien gam a dinga thilpiek nalam ah pan lak deuh ngai in alang hi.
- d) Sapchuom kivaihawm nalam a nuom in a zangkhai mah mah hi.
- e) Nek leh dawn chu tukum chu hawl kawm ngawn hi deuh pen chiet mai ahi.
- f) Lothak thaichi et in nekkhop kinep um in alang hi.
- g) (Hospitality) Zin leh Leng et kaw na lam ah hetdan tieng a dinga kilawm a pan lak ahi zing hi.
- h) Sapchuom in Plan guon um tadih lo. Guest House zawh bangkhai chauh aum hi.

Sapchuom te iki hettuoh nau ahi a, niem isak u chun , nuh san lam hilo a Paucham pih a ahat nadiu isut khawm dinguh ahi.

FATHERS' DAY MESSAGE



- Pumkhomang

“Zie thu hih lawite tawh holimkhawmna thu apata request na zieka zik ahi”

Changtel: Thuching

Tha masa'n Mothers' Day I mang un, chuleh Message le I siem un, tuchung in Fathers' Day Message ana siem kit hitiu. Father's Day hung um pat dan thubul chuh um ngei intin, zie haw chuh a hechien haw apat in hetding hi'n a. Tuchung Pani hi Pate chawihanna ni a mat ngei ngei ding in deih aum hi. Pate limbawl na leh suk thasiet theihna haw ensuk hitiu, I hih dik theihna dingun:

1. Pate chuh kuote'n a chawihanna ding ahim I tih chun, Insung a hung kipan ding ahia, Insung mite'n chawihanna a piek zing dinguh ahi, hun cheng in.
2. Tuni tieng chawihanna theih ding pa nei nalai I hih chun, mi vangpha mah mah I hui hi. Mi bang zah ahim apa mel mu khalo a hung khanglien tamtak um ahi. Zieziekichun, Pa mel mute chun Pathien kiengah kipahtu gen hitiu.
3. Insung Pa pen paulahna leh kimuhsitna chuh, Insung chieh dik/khangdik hitheilo ahi. Insung tin in kaihuoi khat chiet I nei a akikham kham a, Pate lopina mun ahah ding ahi. Mun khenkhat a chu Pa hingala mat theihloh, dawt mawh hiel hetzawh him him neilo tih le aum hi, zie chuh thuchuum deuh in kawih leng, Pa chuh zahna a chan ding ahi.
4. Atangpi'n mi'n anu apa chu ka it hi ti chiet in a, mahleh mi chuom chuom hung kigawp khawm tiengleh I Pa lungsietna bang ahung kiem thei a, Insung buoi khenkhat vang chapa leh nu leh pa a umkhawm ding dawl cheng umkhawm theilo bang le

aum hi, zie hi a bawl aum seka ahi. Mi chuom a telma a, ana khuti mawng ahiloh ziekun a bawl khat um sek ziek ahi, kingaihtuoh ngai ahi.

5. Pa chuh a phat mah mah ziek mai a zah ding ahi puo a, Pathien in I Pa ding a ei guotsak ahiloh ziekin, I zah mah mah ding ahi mai hi. Pa sanga kichungnung zaw theilo ahi.
6. Chapa'n na hung pieng a, na pa'n a theihna cheng cheng leh a hatna cheng in a hung supiting a, nangmah kenga ding thei bangin ahun siem buting tai. Zi leh cha bang na hun neih chun nang apat in pa chuh a paulah deuh deuh a, ahung um thak haw a lopi deuh deuh ui, zie chuh ahi thil zahchak um takmai leh deih umlo hiel, na hetphak loh na deihloh nang inle na hun nek ding kipatna bul, na hawh patna chuh ahi. Ngaihtuoh pha kit in.
7. Miching leh khuo he zawte chuh Insung chuh kuomah thasie chuom um dieklo in, theihtawp suoh a pan la'n, Insung nuom a siemdawk guo ham ham sek uh a, tichun, Pathien kithuohpihna'n Insung chuh Paradise ahung hi sek hi. Hettheihna baihlam

pen chuh bang tiengin lien leh buting in um mahleng le, Pa thunuo i a um zing theih chuh umdan dik ahi. Bible deihdan ahi.

8. Mingawlte chun vangphatna leh chungnunna a hung chan tieng uleh a pa leh nu muhsitna leh tawhdenna'n a mang sek ui. Chuleh a nu leh pa lungsiet ding bang in a lungsiet zo puou a, a hung tek uh a a panpih a ngai uh a, sukthieng leh silngim ngai ahung hih tieng uleh a hun kihetmawhsan uh a, a vehte dinga le gimlim lo, tak banga hung um sek hi. Nu leh Pate chuh ahung thih tieng uleh a luong chung uh a nu it pa it ahildan uh theihtawp tawp in a gen sek ui. Zie a chuh a hahpan loh u chun a it ding bang taka ana it talo ahiloh ziekun hah gen a ngai sek hi. Mi'n anu apa a it ding bang taka a it nak chun a thihni'n a it dan hah gen angai puoi, midang in a gen zaw sek ui. Zie chun umzie le anei zawi.
9. Nulepa zahlote chun ahung chauh tieng uleh ningkitel um in, a ngai sek ui. Chuleh, phunchiek le a sa nuom ui. A vau diek diek sek ui, dawtna ding kilawm ah a dawng nuom sek puou a, a thuneihna a laksak pai zieng sek ui.

control bawl ding chun, Krista luchang hihna nei a a bawl dinguh ahi. Sapchuom chung a Dictator (thaneihna leh vaipuokna) ana mang pa, Diotrephes chu Pathien in nasatak mai in mawh ana chan hi (III John v-9). Ziezieka chuh Pastor hih Belamte chung a kilawiu patsak lo dinga thupiek ana hi (I Pet.5:3).

Simtute cheng cheng Lalpa'n hopih in, I sepna chiet ah Lalpa deihbang leh a thu ei hih banga sem thei ding in Lalpa'n ei malsawm chiet ta hen. Ka kipak hi.



EVANGELICAL SYNOD CHURCH TUILANGKUOL BIEL REPORT

- Report By: Pr. Th Mawia BS

Evangelical Synod Church Executive Director in ei nget na banga Biel report aban a hun hihpan thei ding a kaum ziek in kipah um kasai,

Thakhat in a bawn a piek zieng theih ahiloh ziek in Longpi Area sung'a Local Church committee ten ahuoi tieng uh LCC Secretary te tawh genkhom a hun ki taklang ahi.

1. LONGPI (Thuom mun) ESC

- a) In zah – 31 Mipi zah- 135
- b) Hoin kaihlam ah akhuo tawh et in pan alak thak uh angai hi.
- c) Pathien gam a thil piek lam ah a chau ua, pan thak alak uha a ngai mah mah hi.
- d) Sapchuom kivaihawm nalam apha zing nai.
- e) Nek leh dawn ah a gieu chau ten ui.
- f) Lo thak, thaichi haw Pathien zalin aphan alang hi.
- g) Sapchuom in Plan bangmah um ta dih lo ahi.
- h) (Hospitality) Zin leh Leng bawl dan ah pan thak alak guou hi.
- i) Longpi apat Nungba/Haran kal haw lampi a nuom hi.

2. CHONGMUN ESC

- a) Inzah - 6 Mipi zah – 36
- b) Hoin kaihlam ah aum kham kham akai hoih ui (98%) hi zing.
- c) Pathien gam adinga thilpiek ah aduh thusam uh tung in akihe puou hi.

WHO CONTROL THE CHURCH?

(KUU'N SAPCHUOM CONTROL A BAWL DING AHIM?)

Kapmalsawm, Santing

Tuni hin Sapchuomte chung a kuo hih thunei leh thahat pen ahim tih Bible in ei hih dungzui in vak en hitiu. Anuoi ahin point tamlocha vak simkhawm hitiu:-

- A. Isu Krista chuh Sapchuomte luchang ahi (Eph.1:22-23; 5:23), luchang tih thumal in a etsak chuh thuneih, dinmun leh vaihawmna kigenna ahi. Zieziika chu Sapchuom control bawl ding chu apumpi a Isu Krista ahi.
- B. Sapchuom Pastor chu Pathien belamte enkawl ding, kaihuoi ding ahih zieka chu Lalpa Isu bantaka Pathien in go chinga a pansak ahi (Stewardship).

Pastor title haw chu:-

- (i) Pastor (poimen) a kitih tiengleh belamte thagau an, Pathien thu a vak khang kigenna ahi (Acts 20:28; I Tim.4:6; I Pet.5:2 cp. Ps.32:1-3).
 - (ii) Bishop/overseer (episkopos) a kitih tiengleh belamte chinghuoi, kaihuoi (administrator) chuleh lamkai ahihna kigenna ahi (I Tim.3:1; 5:17; Heb.13:7).
 - (iii) Elder (Presbuteros) I tih tiengleh thagau hinkhuo a mi piting ahih ding chuleh ginna a naupang hilo ding tihna ahi (I Tim.3:6; Titus 1:5). Aziiek chuh, Pathien belamte thagau an a vak khang ding leh chinghuoi, kaihuoi ding ahih ziek in.
- C. Pastor bantaka Sapchuom enkawl ding chuh Deacon ahi (Tim.3:8-14; Phil.1:1). Deacon tih thumal hih suok (servant) tihna ahi. Ahihvangin suok mawng mawng tihna ahi puoi, zie thumal hih Isu Krista lei a a lenlai a suokna ahung sep thumal tawh kibang ahi (Mk.10:43; Phil.2:7; 4:11; Mt.20:28).
 - D. Lalpa Isu'n Sapchuom mipi haw chu- Mat.18:17-18 achun thaneihna ana piei. Sapchuom kivaiahawmna chu Sapchuom mipite thaneihna a um ding ahi. Pastor hileh Deacon hileh, Sapchuom mipite hilele Krista luchang hihna nuoi a um suok kei I hih ziek un, Sapchuom

10. Chun, mi mote hetding a pha chuh, I va lutna Insung chuh suksiet guotloh ding, a hih theih diek leh mi huoi thiem, lunglien tak put a ei lutma sanga thil bangkima ahawih zawk ding ngaihtuoh ding ahi. Zie banga chuh na um guot chun nang gimna chawlna tamzaw ding

ahi, mahleh nanga dinga minphatna bul ahi.

Zie thilpha leh pate limbawl dan ding I gen haw hih, I zuih theih ham ham u chun minphatna'n ei zui ding ahi a, gim chuong, chawl chuong deuh le ngai maithei, zie haw chuh I utlam ahih ngai ahi.



EDEN HUON (GARDEN OF EDEN)

A THING CHUNGCHUONG NIH

- Songzalal K. Gangte

LALPA PATHIEN in Eden gam suohlam ah huon A siem a, ze chu EDEN HUON (Garden of Eden) kiti ahi (Khawvel mi thiemte, Bible thiemte sut dan in B.C. 4004 vel a um tih ahi). Pathien in ze huon ahin muh leh eta hawih leh nek ding a pha thing chi tin, chi tamtak A keh sak hi. **Huon lailung tak ah thing chungchuong chi nih- (i) Hinna Thing (the tree of Life) leh (ii) Sielepha Hetna thing (the tree of knowledge of good and bad) a um hi. [Thilsiembul 2:9 (Gen.2:9)]** . Ze huon a thingte leh hinna neite vak leh chap ding chun Pathien in lui 4(li) A luon sak hi [(i) Pison, Havilah gam cheng

kuol in, sana(gold) umna mun, bedellium leh onyx suong umna; (ii) Gihon, Ethiopia gam cheng kuol in; (iii) Hiddekel, Assyria suohlam ah a luong hi; chuleh, (iv) Euphrates]. Lalpa Pathien in ze huon chei ding leh veng ding in A mihing siemsa, Adam A kawih hi. Lalpa Pathien mihing(mihiem) siem hi hinna chi nih kigawm a siem ahii: (i) lei taksa (body) lei apat siem, thithe, bei mang thei chuleh (ii) thagau(Soul), A hinna hu apat siem, thitheilo.

EDEN HUON hihmate: (1) Pathien in A mihing siem umna ding **In** A siem hi sana, suongmantam

leh van zat chuom chuom a kijem leh chei a siem ahi puoi- Van chu inchung leh Leipek chu intuongpi a A matsak ahi. A mihing siem in tasamlo leh nawpchinbei a A chen leh tan ding uh a Lalpa Pathien in A thilsiemte huon a A um sak leh keh sak ahi. (2) Huon a thinglimte (shades) chu a ki chawldamnau mun ahi. Kumsawt a nun khuo nuom a chenna ding a A siem ahi. Ze huon leh a sunga tan ding leh nawp chin a chen ding hi Pathien chitna leh thuneihna(hatna) a A siem ahi. Deih cheng kimna mun ding a A siem ahi. (3) Ze huon umna mun hi mun nuom tak ahi, *Eden* chu kipahna-kim leh nawpna-kim (*paradise/delight*) tihna ahi. Ze huon hi Siemtu Chungmang(Chung Pathien) in bukimna mun dinga A siem ahi. (4) Ze huon ahin Siemtu Pathien in thing chi kim tamtak A phut hi-agimte, apak-ajute, agahte-anahte, abakte, alimte tan leh nawpchen theih ding a A keh sak (hin sak) ahi. Chun, thing chungchuong nih : Hinna Thing leh Sielepha Hetna Thing A keh sak hi. (5) Ze huon hi lui 4(li)te hin a chap leh a vak ahi. (Lui khat apat ka 4(li)te'n ze huon hawihna leh phatna, gahsuohna a piei. Hiddekel leh Euphrates hi Babylon (Irag) leh Persia(Iran) gam a um ahi. [*Babylon luipang a*

chu Israelte (Jews) saltangte chun Sion/Zion (Jerusalem) a ngaihtuoh, geldawk tieng uleh a kap sek ui (Ps. 137: 1). Eihuh Kristiente hin Eden Huon I gel (ngaihtuoh) tieng uh leh, bang iti ding um...???]. Selah.

LALPA PATHIEN in Eden Huon a nawpchin bei leh kumsawt damna pak tan ding leh enkawl ding in Adam leh Evi chu A kawih hi. Ze chu amaute nih ut dan dan a um a, mawk um a- bangmah sem loa, nawpchen, nawptan leh kawsa ding in Siemtu Pathien chun A phal diek puoi, phal thei chu ahii...hilele, A na phallo ahi...ei Hukdamtu Pathien chun bang ahi A deih...Eden Huon chu thawh ngailo himahleh Huon entup(enkaw) leh chei mawi ding in mawhpukna A pie ahi. Ze hawchu: Siemtu Pathien thupiek zawp a, A na sem a chuleh A vaihawmna zui a um ding in A kawih ahi. Lalpa Pathien (Pa nunnem leh ngilnei tak) in A mihing siemte (Adam leh Eve) a ding lawkna leh nasep ding chauh gello in, a nawpna, kipahna leh phatna(hawihna) a chen dinguh le aguotsak(alemsak) ahi. ***Siemtu Pathien chun A mihing siemte a ding in a phatna leh bitna dinguh A guong hi tih Eden Huon apat muh ahi.*** Adam leh Evi chu, Siemtu'n Eden Huon hawihna leh

genkim zieng theih ding chu hipuo'n tin, ahinla, neukhat khat ka hun sulang ut hi. Midangte'n ei vak gel ding dan chauh hilo in, kei uh lamle ka vak kigel u chun, ka kihawmthawh ua, ka kisuonglah ua, mahleh zie hunlai taka Pathien in ei hopihna a ka het chuh (I Korinth 2:1 naa Paul in Thugen lopi leh chitna thupi tak tawh hung ka hi poi, a tih hi ahi. Pathien Hukdamna mi'n a hetchet a, ahun pawm theihna hih, thugen thiem ziek leh chitna haw ziek ahi puo a, thagau thiengtho nasep lieu leiu ahi tih ka hetchet tak ziekin, hangsan tak in ka um thei zaw ahi.

Chun, zie Camp hih vak thulh theihna ding thil tampi ahung kidawh zetzut zel a, achang leh a khuo neite lam apat in, achang leh gari ding ziekin, achangeh guoh leh huihte ziekin lamkal tieng inle, minchim leh guoh leh huihte ziekin, kipatdawkung zieng inle, Heb.11:15 naa a taihsanna gam uh lunggulh kit hileu chuh, vaihkitna ding hun khan mungei ding ahiu a tih guol in, hung vaikit mai lengun le tamtak in apha zieng hi ti dingin le ka gingcha tho a, khenkhat chun, tung thei diek puo'n lau, ani leh ahun inle a ziloh ahi ei tihsak bang le aum hi. Ahinla, Numei gel hileng unle, Pathien hatna leh panpihnaa kinga'n malam ka suon zel ua, huihpi, guohpi, gielpi tawh bittak in, zan dak 12:30 in Pangen ei vak puitung ta a, Khuo mite le a kipak mah mah ua, azing in zingkal dak 7:00 in Program

ka pan ngal ua. Nungak huntieng leh nupi, akigawm in, mi 40 vel Camp ah ahunglut ua, Biek-In sunga chutna umlo in, Sylpolene phah a, kibieli in nitum tum in zan hun inle a um ua, Pathien thagau in na ahun sepdan hih a lopi mah mah a, lungthim kihawng tak leh gunchuh tak in aum ua. Hukdamna changsate'n le kipahna thak nei in, Hukdam ahieh kihechien lote le hung kihechien in, kipak tak in hun ka mang ua, thawhtanni kikhen ding ni chule Lalpa'n ei behlap sak in, nitak chan in mipite tawh, hun ka mang khawm ua, ka kithalah hiel tau hi. Gen ding atama, gen seng puo'ng ka, a khuo mite, adiekin Pate panlak dan leh lawiupate panlak dan ale kipahthu gen ding tampi um nalai ahi.

Kipah um mah dang khat chuh, gari ka hawl lai un, unaupa Tv. P. Kaijamang gari ka va nget uleh kei uh Program tawh kituok chet in, ama'n le Program dang ana nei a, mahleh, a kingaihtuoh a, Sapchuom program chula ka ngaikhawk a, bang hileh kithuhet kit hitiu a ti a, amau program chu hun postponed in a gari ei hun piedawk zieng a, ka kipak mah mah mai ua, tawbanga Pathien nasepna ding a ngaihkhawka hi Lalpa'n a he zing a, aleh tamtak in vangsak zui zel ta hen.

Insung leh Sapchuoma gah hawihtak ahun suohna dingun, Nu Camp a kipak taka ka hun kikhenpihteu a ding hin simtute cheng hin ngetpih zing hitiu.

II Gou : Pathien in khawvel a Numei khat leh Pasal khat chuh khuosa khawma vangsakna cha leh nau neih ding hi Pathien kamsuok leh a kitiemna ahi. Pathien in khawvel ahin thil dang hi goutin ei gen puo a, cha leh nau gila gah vangsakna hih I gou in ei hetpih ahi. Isu Krista'n na gou uh umnatak ah nalungthim uh a um tin ana gen hi. Etsakna ding in nasa khau a **Rs. 10000/- (Singkhat)** kuoh leh chin aman ding lau in na kisak zawh cheng leh khawih ding na hi. Mahleh na cha te hi khawvel a dinga Pathien in gou eipiek chuh Gilagah vangsakna cha leh naute hi gou lulpen in nagel kham? Khawvel a na neih cheng lak ahin bangpen in na ngaihtuoh na leh na lungtim a luoh pen em?

III. Pathien Ngaihsak : I Bible changtel **Malaki 2:15** Na hi gel leh Pathien thiltup lien pen leh, numei khat leh pasal khat agawp lawhna pen ki chientak in a gen chien hi. Gila gah vangsakna chauh hilou in mawhpuokna le ei pie khawm ngal hi. Zie chuh chate Pathien lau ding leh Pathien ngaihsak ding Pathien he dinga sinsak leh puih huoi chu, Nuleh Pate mawh puokna ahi. Zie sanga lien zaw hih khawvela adang umlo ahi. Zie hi na sukpitit louh chun, Pathien hun siem lawhna pen chuh, alawh sam hi ding ha hi.

Zieziek chun Pathien in Nu le Pa eisiem lawhna leh eithupiek hi subuting thei chiet dingin simtute cheng Pathien in ei vangsak chiet tau hen.

•••
PANGEN NU CAMP
REPORT

By: Ms. Chinbawi, Secy., SWS.

Amasa'n Report nei thei dinga damna leh hunpha ei pietu Lalpa Pathien min pahchak in um hen.

Tarik 2 – 6 April, 2015 (Good Friday week) sungin Pangen Sapchuoma Nute adingin Sapchuom lawiupate'n Programme a guonggalh ua, zie a ding chun Central SWS kawma ngetna ahun neih dungzui un, ngaihtuoh khawm ahi a, Camp Speaker ding hi a kingaihtuoh lai in,

Pathien in ei kawkmuh dungzui in, Nk. Ngaithiannem (Thiannu), Women Co-ordinator, EOC tawh zie Camp hi lawhting tak leh kipahna thak tamtak tawh matzawh ahi.

Zie Camp adinga Pathien ei puihna leh umpihna ka chanteu hi

phatna nawpchen chauh ding in ati puoh a; mahleh ze Huon hawihna leh phatna, kipahnate nawpchen-nawptan theihna ding in, Pathien in thununna a chunguh ah A kawih hih : Lalpa Pathien deihbang a lung kipak a A thupiek leh A na sem ding in atih ahi. I hinkhuou ah, khawvel thillam, insung kipuokna, gamsung vaihawmna ale- zalenna leh dikna nawpchenna I sim guot chun- hih makmawh (hih ding) leh zawp ding sukpitin masak ngai aum hi.

HINNA THING (The tree of Life): Eden Huon lailungtak achun 'hinna thing' Siemtu Pathien chun A keh sak (A phut) hi. Ze thing hi Adam leh Evi hinna, puitu, phalna ding ahihlohleh amaute nih damsung suksausaktu ding a Lalpa Pathien tawh kikala kitiemna-lehkhazik (memorandum/affidavit) hilo ahi; mahleh Adam ading a Lalpa Pathien mawhuol (Seal) leh tiemtehna (Sign) ahi. Ze mawhuol leh tiemtehna hi Siemtu Pathien lemguot a 'hin zing theihna, kipahna, thihtheihlohna leh kumsawt kipahna' channa(muhna) ding , ze chu hehpihna (grace) leh deihchuomna (favour) zieka - sielepha hetna umloh hunlai leh thuawihna hunlai a- PATHIEN khuotuohna ahi. Ze hunbi leh chawlhmun-nuom (paradise)

nuom tak chu “ thupiek zawplo ziek leh thuawihlona ziekin ”, Diabol(Thepna) ziekin mansak ahi tai...!!! Zechu himahleh tuhin, nang leh kei in Kinepna Hing- Thagau Damna (Suohchakna) chu Lal Isu Krista zal in I chang ui...Eiuh 'Hinna Thing' chu LAL KRISTA ahi (Rev. 2:7; 22:2)...'; Amah chu I Hinna Changthak uh- 'KUMSAWT A HINNA chu ahi' (John 6:48, 53). Selah.

SIELEPHA - HETNA THING (The tree of knowledge of good and evil/bad): Ze 'sielepha hetna thing' hi Lalpa Pathien deihdan (Will of God) taklatna leh phuondawkna ahi... **ahihleh apha chu banga ? "sielepha hetna thing gah nekloh ding "**; **aleh, asie chu banga ? "sielepha hetna thing gah nek" tihna ahi.** (Ze hih LALPA PATHIEN DAN/ DAN THUPIEK AHI). Ze hi khawvel a Dan(Law) pawimawh zie etsakna leh genlatna le ahi. I chennau khawvel hin le dan-le-muol, dikna, mawhna leh makmawh/mawhpuokna (sepding), kivaihawmna leh thuneihna leh a dang dangte : 'Eden Huon' leh Pathien Thu Hing (Bible) apat asin (amuh) ahi. Ze sielepha hetna thing hin, Lalpa Pathien Dan leh Thupiek a hi, khawvel in (mihingte hin) damna leh suohchakna mu

thei chauh leh chang thei chauh ahiu tih ataklang hi. Gitloh(Dan zawplohna) chu thihna ahia; hilele ‘ Dan leh Thupiek zawpna chu hinna ahi’. Ze thing apat hin : (a) **Lalpa Pathien Hehpina thuthun (Covenant of Grace)** a hung pieng hi- ‘Ging in (en in) hing inla (Believe and be saved); Ging kin(en kin), thin la (Believe not and be damned) (Mark 16:16). Chuleh, (aw) **thienthona thuthun (Covenant of Innocence)** sukbuokna leh bawhsietna muh ahi. Ze chu ‘ zie hih inla, hing inla !’ (Do this and live) tih ahi a; ze tiemteh leh mawhuolnam (sealed and marked) chu “Hinna Thing in a suk pitit ahi”. Mahleh ze thupiek hi bawhsiet ahi. Chun, ‘ na puk leh/ bawhsiet leh thin lah ! ’ (Fail and die) tih thupiek (Dan) hi Adam in a bawhsiei (sielepha hetna thing leh leh agah nek) ziekin. Selah.

EDEN HUON a thing chungchuong nihte hin : “ Na thu’n thiemchang inla tin, na thu mah in

thiemloh chang inla “ tih ei sinsak ahi. Lalpa Pathien chun I masang uh ah ‘hinna leh thihna, vangsakna leh gausapna’ (good and evil, blessings and curse) a kawih hi ’ [Thiempudante (Deut) 30:19]. Khaile, zalenna mat thiemna leh deih tel thiemna **LALPA dawng kawm zelin gingtute...! Ei Kristiente ading in ze Thing 2 hi Sacraments (Thuthun) 2 (nih) : Lalpa Nitak-an (Lord’s Supper) , ze chu LAL KRISTA taksa leh thisan chuleh Baptisma (Baptism) chu ahi.** Zeziekchun, siemtu Chungmang deih dan tak in Amah melpu’n sietlei hingmi A siem a a “**lunggil/ lunggil pek**” uh ah Thing 2 (Sacraments 2) a phut hi!!! ...**Eden Huon chu PATHIEN deih bang in lui 4’n a khan sak, a vak ahi; ahiehleh, na “lunggil/ lunggil pek” a Thing 2 (Thuthun 2) chu bang in - na khan sak in, na vak in chuleh na chawm die???** (1 Peter 1:19; John 3:16 leh 1 Pet. 1:13-25). Selah. Lalpa’n A thu vangsak ta hen. Amen.

KA PURSE KA SU MANG HI

Khatvei Bus ka chutna ah ka paisa bag ka sumanga, Asung ah:(1) Driving Licence. (2) ATM. (3) Voter-ID, tawh paisa Rs.1000/- val deuh aum a, Ka lungthim a nawp hiel puoi. Aziek chuh ka van leh paisa neuchah aman ziek in. Zie a ka lungthim a hung um chuh, zie thil neuchah ka suk mang leh bawn ka lungthim a nawp mawh chun. A Gari mantam tak tak, Bolero te, Car te leh adang dang man sak te khun nuom mawh asa na ding uh e. Ziek chun mi lungthim natna tun tun Gari No.2 kiti aki gu a ki zuok haw, ei Kristien te’n a kiman hi ti’n chaw hiel puoi tiu.

Gangte pou baibul sut nihna khah ASV, KJV, WEB, a chung a ivak taklat haw a pata hih kila sawn hiding ahi.

“Away” tih thumal ahung pankhak theih na dinga vak ginchak theih chu ahiehleh, Hebrai paa *miw* kiti sappau a akilehna chi 7 vel laka “out of” tih pen khah telsak theih ahieh ziek hiding ahi. Zieka chu NIV, RSV, kiti haw hin “away from the richness/fatness of the earth” tih haw hih alehdan uh hidinga ginchak um ahi.

Khuti chu hitaleh Gangte pou baibul sutkhatna kilehdan **Van daitui nang dingin a um puo a, Lo leipha le a um diek puoi.**” tih zieng sangin, “Na chenna ding gam chuh lei phatna gamlatna mun hintin, Van daitui gamlatna mun le hi’na.” tih hizaw leh talai dinnun tawh ettuokin a dikthei zaw dem!!!. “Agamla” away I tih leh a umlo hilo in, umchuh um ngal, hilele gamlataka um, ana gamla ta mawng lele hung naithei/ umthei tihna ahi a, “a um puo a” tih zieng chuh umlo bikbek, umlo hulhuol ahimaia gendingle umlo ahi. I vak tihna chuh Esau leh a suonte kha Edom gama cheng ahiu a, Edom gam chuh talai Arab/Irag gam haw khu ahi a talaia dinga gam hausa leh khangto mahmah gam ahita ngal ua.(*um nolai*)



NUPAN PATHIEN THILTUP



Pr. Khaitinhang, Director BCE Evangelical Synod Church

Bible changtel. Malaki 2:15

Pathien in mihiem pasal khat leh numei khat athawm hauh nau, aki pah nau, a lungkham nau ki hehnem tuoh dingin a na siem a. Zie hin thiltup lien tak mai anei hi. Zie chuh **Genesis** a suon leh pak nei mai ding chauh hileh kilawm taka agen hi hizieng lou in, chate a mawh puokna le ana pie kawm hi, anuoi a hin I Bible chang tel pansan in point neukhat ana en leu hing.

I. Cha : Pathien in cha leh nau hih a ngai khawk mahmah mai a, **Sam 127:3** Cha leh nau te haw hi Pathien eipiek Pathien vangsakna gou lul pen ahieh dan ei muh sak thei hi. Khawvel ahin nupan hi ngal in Pathien in a deihsak na apieki louh hi leh kilawm hiel a, cha nei lou le tam tak aum kit zel ui. Inkuon itih hin Pa, Nu, Cha, Zie

cheng hih ahuop a, Naupang umlou nu le Pa chauh hin Inkuon abuting zou puoi. Zie chauh chule hilou in naupang tel lou hin nupan ki pahna hile abuting zoutak tak puoi. Zieziek hin ahi Sam in chate lultan leh a pawimawh dan, Pathien vangsakna leh deihsakna ahieh dan ana gen hi.

Gangte Baibul a I leh dan ukhah:

Chun, Isak chun a kawm ah, “Van daitui nang dingin a um puo a, Lo leipha le a um diek puoi.” (Sut lui a a kizik dan ahi).

Chun, a pa Isak chun a kawmah, “Na chenna ding chuh lei phatna mun, chunglam apat a van daichim kiek na mun hi’na. (Sut thak a akizik dan ahi)

Baibul hun zik masa penten ahun zik uh Hebrai pau baibul a chuh thumal dang umbek talo, zie a hun kitaklang thumal 13 chauh hi ahi. Aleh bangziek a leipha umlohna kitihna baibul le um a, lei phatna gam kitihna baibul le umthei ahi dem???

Hebrai pau a chuh thumal (word) 13 um ahi. Zie thumal chuom chuom 13 hih, thumal khat a ivak sim uhile thumal nih le thum kigawm sawn umkit nalaiset ahi. A etsakna dingin *misemane* (מִסְמָנֶה) tih hi thumal nih *min* (מִן) leh *Saman* (שָׁמָן) kigawm ahi. Zieziek a chuh Hebrai pau lehdawk hih abawihnatieng umthei pawl a umsek a, aleh dan hile thiemthei taka leh ahisek hi.

I genchet guot uh, I bawihna pen uchuh No. 7. na a thumal “from” kiti pen khuh ahi. “From” kiti hih Hebrai pau a *min* (מִן) kiti ahi a, zie *min* pen hih sappau a leh dan chuom chuom a um thei a, zie a leh dan chuom chuom leh a meaning chuom chuom haw chuh zie haw hih ahi, (from, out of, by, by reason of, at, because of, more than). No. 7 na mah “fertile place” kiti khuh Hebrai pau a *Saman* (שָׁמָן) tih ahi a, zie a Hebrai pau thumal te nih hih ahung kigawp leh *misemane* (מִסְמָנֶה) tih ahung hi a, *noun common masculine plural construct* ahi.

zie chuh “from fertile place” tihna ahi. Hebrai pau *min* lehdan khat “out of” pen khah imat leh “out of fertile place,” tih a lehtheih ahi a, zieziek chun NIV, RSV, tih haw hih tawbanga leh haw chu ahiu a *min* lehdan “out of” tih leh “from” amang gelgel a, ahiziek in “out of from” tih chu sappau a umtheilo ahih ziek in, “out of,” thathenga “away” tih ahlan mat uleh “away from” tihzawka um ahi. Zie thumal “away from” zieka hih Gangte pau baibul a, “Van daitui nang dingin a um puo a, lo leipha le a umdiek puoi” tih a kilch ahi. Thumal “fertile place” hih NAB, NAS, NAU, tih haw ah akimang a, ASV, KJV, RSV, tih haw ah “fatness” tih akimang a, NIV, NJB, ah “richness” tih amangkit hi. Zie a ahungbawih um kit khat chuh sappau baibul khenkhat “away” tih thumal hun behlap a um ziek in “away from the fatness of the earth ahim away from the richness of the earth ahim away from the fertile place” tih ahim in ahung um ta a, zieziek a chuh Gangte baibul sutkhatna khah tawh zie lehdan hih kituok ahi. Ahiziek a chuh Hebrai pau thumal 13 I genteu laka khah “away” tih hi pangkhalo ahi. “away” tikhalo baibul khenkhat a kizik dan:

1. *And Isaac his father answered and said unto him, Behold, of the fatness of the earth shall be thy dwelling, and of the dew of heaven from above. (ASV)*
2. *And Isaac his father answered and said unto him, Behold, thy dwelling shall be the fatness of the earth, and of the dew of heaven from above; (KJV)*
3. *And Isaac his father answered, and said to him, Behold, thy dwelling shall be the fatness of the earth, and of the dew of heaven from above; (WEB)*

KA PASAL GAY ANA HI KÊI MAI CHU E !!

Adapted from Ruth Messenger, May-June 2015

Reproduced By:- NB Thangjom, Anpak Colony. Chiengkawnpang.

Ka nungâk vanglai in pasal ka nei a, ka nungak sungin YMA, KTP leh MHIP tih haw ah ka theih kham kham in ka na kimang, senior Department a ka umlai in, Sunday School sinsaktu’n ka na sem a.

Pathien nasem in ka theih dan dan in ka kimanga. Ka pan ei thihsan vak ziekin, ka nu tawh um in, Insung ka ngaikhawk thei mah mah sek a. Pasal lam chuh ka ngaikhawk taluo puoi. Pasal nei hiel lengle virgin a pasal nei dingin, Pathien kawm ah ka na kitiem ahi. Pathien kawma ka kitiem bang takin nungak thiengtho in pasal ka nei a.

Ka pasal chule mipha mah mah, mi nunnem tak mai hih ahi a. ka kilungsiet un, nuom kasa mah mah uh ahi. Khuita, kithutok tak leh kipak taka, kum bangzah ahim hun ka mat nungin, ka damtheihna ahung châu a, Doctor ka ki-etsak leh HIV test dingin ei sawl a! A tung chun ka lungle ana a, hilele Doctor in bawl dinga ei sawl ahih ziek chun HIV kaih, kinemlo hielpi chun ka

thisan kava test ta ahi chu ! Result ahung pawt phat chun, ka ginchak khakloh hielpi chun, ka tei !!HIV a mudawk ta mai ua. Mak kasa taluo a, ka gingcha thei him him puo a. Um ding dan le ka he thei ta hiel puo a. “Ka result a tuohkhelh khak uh hina” pouh ka tia. Aziyekchuh, thisan piek in ka um kha hiel puo a, virgin a pasal nei ka hi a. “Positive” ka hih ka gingcha thei him him puoi. Midang thisan, kei dinga ana kawih khak uh hina !ka tia.

Azing chun ka va test kit a. Hilele a result chuh angei ngei “positive” ahi tho tho hi. Ka lungthim leh ngaihtuohna abuoie hieie huoi a, ngaihnan mumal ka nei thei ta puoi. Virgin in pasal ka nei a, ka pasal le numei leh pasal lama halh tak maile

ahi puoi.Nungak a kipawlpih lam le ka he puoi.Ka lungthim a châwl a, ka beidawng khawp mai hi. Ka pasal kawm a ka gen leh “Amak na e, maw” atia. “Ki pawlpih na nei kha?” ka tih leh “neilo” ati ngala. Khutichun, ART centre ah ka chieh a. Zie mun a nasem counsellor ten “Na pasal le hung henla, ki test mawng mawng hen” ei tiua. Khutichun ka pau thisan chule ka test ua. Amah chule “positive” mah ahi a. Ka nupan un haksa ka sa mah mah uh ahi. Zietawbanga chuh HIV gel ka hih ka kihet nungun, nupan hinkhuo le kamang khawm ta puou hi. Mahleh, ka nupan uh, kilungsiettakin ka um tho zel ui.

ART treatment ka laknung uh chawmlo in, ka pau ahung dam puo a, zalkhun ngaka ahung damloh phet chun, ahung kiphuong daww ta a. Zie hun a ka pau thugen chun ei sulungvai ten mai a. “Ka pasal deihtak in, amah pasal pih, a guolte tawh sex ana mangkhawm uh ana hita mai zen a!

Zie thu chuh ei hilh phat in ka lungthim ana vul vul mai a. A kipawlpichte chula amah guolpha tak takte ngen ahiu a. Zi-le-cha neisa ngen ahiu hi. Zie bang a agualte tawh a umdan uh ei hilh akipat chun, ka ngaihtuoh thak kita, a lawite laka a umdan uh ei hilh akipat chun,

alawite laka mikhat ka muonmawh pai zieng aum a. Ahung tawhtha mun in ahung phone deuh zing sek nalai a. Zie pa khun ahun ngaizawng hilo ahim ! ti’n, ka na dawng kha him a. Amah chun ei nuihsan mai sek a. Himahleh, ahung kiphuon daww phet chun amahpa chule ana tel ngei hi.

Chun, aguolpau khat pen chuh HIV/AIDS ziekin ana thi daih ta ahi. Ziepa thih nung chun, ka pau chuh ana kimuongmawh zing ahi a, bangmah agen ngam puo a. Lunggim takin hunsawttak amah chauh in ana thuok ahi. Virgin kei in pasal aneih nasan ale HIV kai thei ahih mai zen le chun !a lamdang mah mah ahi !

Ka pau chun amah zieka HIV ka neih mai chuh thawk hak as amah mah a. “Ngaihdam takle kei puoi, mahleh lungsiet takin ei ngaidam in” tin a gena. Ka hun ngaidam hi, ka tia. A khâwk mah mah hi tih khel chuh gending aum puoi. Ka lunggel tawpa khaww kasak chuh, ka kichen ding lai ua “thisan ka test loh” u khah khaww kasa mah mah hi. Zie tawbang hih hina tih ginmawhna le ka nei kha him him puoi. A hindan pha, khamtheih thil bawwlo, kuhva chuh a chang chang in, ana thai leuh leuh sek hi. Mi nunnem tak mai, ka kichen mau ale zie tawbang hinkhuo

mah mah khat ahia;Senate ah lehkha thehlu in, Gamsung pumpia June Pathien ni thumna pen Father’s Day hi Nationnal Holiday a phuonding a ngetna asiem hi.Zieziekchun kum 1924 kum akipata Zie Pate ni pen chu America gam pumpi a National Holiday a phuondaww leh namdet ahung hi tai.President Calvin Coolidge,US President 30 na pa chun, “June tha a Pathienni thumna pen Pate Ni hi Inkuon cheng pauchamkhawmna Pate zahna leh limbawwlna piek ding ahi tin Thuphuon ahun bawwbeh kit hi.

Khutibanga chu hung chieh to zel in Khawvel gambung chuom chuom ah Father’s Day hi mattohin ahung um zel tai.Zie hung khanglien zel thu hi Mrs.John BRUCE DODD in ahetin angaisanga akipak thei mah mah mai hi.Zie Pate Ni kiti hi Pate dinga lultak leh lopitak ahi. Aziiek chuh Pate zahna leh limbawwlna piekna Ni ahi.Tukum 2015 a Pate Ni tienga, Pa ana dam nalaite a dingin, Pate Ni ahung kipatlawhna banga Insunga Pate chu Inkuon ngaihsan leh zahbawwltak pate hi chiet dinga pang chiet dinga CHONA thupitak ahi.

- Editor Chamna Aw



BIBLE STUDY:

Rev. T. Kamgin M.Th. (OT)

(Genesis 27: 39 sutzawpna)

7 6 5 4 3 2 1
Genesis 27:39 (Hebrai pau)
13 12 11 10 9 8
הָאָרֶץ יִהְיֶה מִשְׁכַּנְךָ וּמִסָּל הַשָּׁמַיִם מִקֵּץ:

Hebrai pau hih a number akipick bangbang a khuh changlam a pata vcilam zuona kisim ahi.

1 2 3 4 5 6 7 8 9
and answer/ Isaac/ his father/ and said,/ towards him,/ behold/ from fertile place/ the earth/ to
10 11 12 13
be(become)/ your dwelling/ and from due/ the heaven/ from above(upon).

Zie a achunga Sappau hi Hebrai pau baibul akizik dan leh athumal kitien dan taka kilah (translate) ahi. Thumal (word) 13 ahi. Hebrai pau thumal khule simlehchin a thumal khuh 13 ahi. Zie dan taka hih Gange paua lehding hileng:

1 2 3 4 5 6 7 8 9
chun adawnga/ Isak/ apa/ chun agena/ amah lamah/ ngaitie/ leiphatna a pat/ leisiet/ hung
hintin/
10 11 12 13
na chenna ding/ chun daitui apat/ vangam/ chunglama pat.

PATE NI HUNG KIPATDAN

(THE ORIGIN OF FATHER'S DAY)

Pate Ni kimang masapen chuh Nu khat in ahun mat ahi. Amin chu Mrs. John Bruce Dodd ahi. Washington America gam a Spoken khawpia cheng ahi. Bang zieka zie Pate Ni kiti hi ahun patdaw ahim?

Kum 1909 hunin Pathien nia Hoin a kaihna ah Nute ni amangsek ua, zie Nute ni chuh May tha a amatsekuh ahi. A Pastor pau in Nute lungsietna thupi dan sermon ahunbawl angaihtakna ah, a pa lungsietna thupi dan ahun geldaw thak thak hi. Amahnu achun (Mother) naupangcha ahiah laia ana thihsan ahi a; Anu athihin cha gup leh apasal athihsan ahi. Anu umlo nung ale, apa chun achate enkawla lungsietna tawp umlo a a etkawldanteu angaihtuoh leh Pate Ni mat tei ding tih alunggil ah ahung pieng tai. Mrs. John Dodd chun a pa'n gimtheihna leh haksatna tamtak thuoka achate a etkawldan leh Pathien thu lama aseiletsak dan haw ziekin Pate Ni mat ding hi ahun phut a mat pat ahi. Ahung kipat dantak chuh Pate zahumna leh pate chawimawina Ni a mat ding hi alungngulhpi pen ahi.

Mrs. John Dodd chun Spoken Ministerial Association a President va kimuhpihin "Kum chengin Nute hetzingna dingin

Nute Ni akimang zinga Pate a dingin le nikhat guotchuom a Pate Ni mat ding thu ava gen hi.

Zie akipat chun Spoken Minisrerial Associationte chun June tha a Pathienni thumna chu Pate Ni (Father's Day) dingin ahun lemsak tau hi. Zie hun chuh Mrs. John Dodd pa peinni (Birth Day tawh kituok ahi.

Spokane Mayor (Spokane khawpi sunga District Council) te'n Sapchuomin Pate ni (Fathers Day) amang ui tih aheth phetun gamsung State pumpi a zie Ni chu Pathien Ni (Father's Day a mat dingin thuphuon ahun siem ngal tau hi. Hunchawmkhat nunga Spokane Governor in Spokane sapchuomten Father's Day chu June Pathienni thumnan amang ui tih a hun hetphetin, Governor chun le gamsung State pumpia, June Pathien ni thumna chu Father's Day amat dingin thuphuon ahun neizui kit ngal hi.

William Jennings Byrant chu America gama dinga mi minthang

nei ahi a, zie tawbang tienga aum theih mai chuh ka gingcha puo a. Ginchak ngaihna le ka nei puoi. Hilele pasal dang ana kivawppih zing zing ana hii. A khawk takzet hi. A khawk tih mai chunla, umzie a nei diek ta puoa.

Zie tawbang dinmun a um chuh himahleh Pathien ka muong mah mah a, ka thawk zawhloh ding bangmah ka chung ah tunsak lo ding ahi. Haksa tak leh zakcha mah mah in ka um a. ART Centre chieh ka guot tieng lele melhet kuo ahim muhkhak ding ka lau tun tun a. Zakcha kawm kawm in ka kuon zel sek hi. Himahleh, a semte haw a fel takluot ziekun ei hehnem thiem mah mah ua. Pathien in amauhaw mangin ka lungchang na amah mah khale awl awl in ahung dam hiei hiei ta a. Haksa ka sakna haw le ahung nep deuh zel hi. Pathien leh ART Centre a nasemtu te chungah ka kipak mah mah hi.

Tuma sang deuh in Pathien ah Hinna thak ka na nei ta a. Pathien tawh kimat zinga um in ka kingai a, himahleh, ka na naih hun tawk puoi, tih ka kihedawk hi. Amah ka naih zawk sem theihna dinga zie natna hih ka na maikhak ana hi zaw tai. HIV+ vei ka hih dan ka kihet nung apat amah ka naihazaw sem a, ka nungak lai a, Ana ka sep haw chun ei dawn zang ta ahi.

HIV ka kai tai, tih ka kihet nungin, kingaihsietna nasatak ka nei a. Himahleh, Pathien in a mite mangin nasatak in na asem a, tunchuh kingaihsietna ka neih le ei lakmang sak ta ahi.

HIV vawp ka hihna, ka lungthim in ka neita puoi. Ka lunggil le a damthieng tai. Ka pasal guolte lak ah amah tawh sim in mi 3 athi tau a. Khat chuh HIV zieka thi ahi a, khat chuh ahiehle aki test ahim, kitest lo, ahieh ka he puo a. A hih ngeile ka gingcha ahi. Amau haw guolchan 6 ahui a, abawn un zi neisa vek ahui hi. Kei tawh ka kichen ua le ana kipawl zing zing ana hui hi. Numei pasal banga ana kipawl zing ahui hi. A zite'n ka hetpih kha him him puou hi.

Ka kichen nungun a ziteu tello in An a nekhawm sek ua. Ziephat chuleh sex ana mangkhawm sek uh ahi. Amak in, atizat um taluo ahi !. Kum 10 val ka kicheng ua khuti bang a aum ding uh ginchakna him him ka nei khalo ahi. Gin le ka gincha phallo ahi. Ginlah ahieh na ding ka chungah gitlohna anei kha puoi. Amah ngei in a sex matkhawm dan uh ahung kiphuonga, "An ka nekhawm ua, zie tieng chuleh ka hihkhawm mai zel sek ui" ati. A guolte khenkhat chuh Sapchuom a kimang mah mah te ahui hi. Ka gen

taksa bangin zi-le-cha neisa ngen ahiu hi. Pasal fel mah mah te ahiu hi.

Kei uh nupan a thiltung apat hin, zi leh pasal a kinei dingten kichen masanga thisan test masak ding ahih dan, he mah mah leu, tih ka nuom ahi. Sapchuom a kimang, zu leh khamtheih thil bangmah a bawl puoi, tih mai hilo in, zie sang chun “ athisan a thiengtho hi ?” tih a mamawh zaw ta ahi.

HIV chuh Pastor chapa ahim, Sapchuom Upa chapa-chanu kailo deuh dinga kikawih dinga hi diek puoi. Thisan test masalo a, kichen a pawidan kei hinkhuo apat hetdingin apha ahi.

Avainunga ka lunggil a ka gel zing sek leh ka bil a cham zing ta chuh, pasal ka neih ding kuon a, mikhat in “tulai hin chuh, zi leh pasal neih ding lai in, amah chuh mifel Sapchuom a mi kimang mah mah ahi” tih sangin, “A thisan a thiengtho na die aw!” tih lam hih ngaihkhâwk zawk ding ahi” ati ahi.

Ka nungak lai a, Pathien kawma ka na kitiemna “Virgin kêi in pasal nei ka” tia ka kitiemna lawhtit sak himahleng, ka pasal HIV ana kai ta zen a! A khâwk in atizatum ta ngei mai ie! Ka chung a thil tung tawbang hih kuomah chung ah tung hiel kihen! Tih chuh ka deihdan ahi.

Ka chan tawbang hih mi dangte chan hi khan a tih, ka lauhpen ahi. Zieziekchun, “zi nei ding pasal nei ding ten” “thisan test masak ngei ngei ding” tih chuh ka thupi ahi.

Chun, HIV kai dinga kimuongmawh ten amasapen a, akinthei pen a thisan test ding, positive ana hih hiel lele treatment kitup taka lak ding. Kenle phatakin treatment ka la a, ka phatchuompah mah mah hi. A tunglai a ana hekha hileng, ka pasal in ei na thihsanlo mai thei ahi, tih bang ka gel gel sek hi.

Kei ule, akimuonlahna sawtpi ahi ta a, hilele avainungpi a ka test uleh HIV ana hi. A ki-etkawh vakloh ziekin a taksa aphantloh kei nungin chuh damdawi in a sep ding bangtaka semthei talo ahi. ART ana pha mah mah ahi. Kenle ana nelo hileng thi hiel tang ka.

- ❖ *Virgin - Nungâk Thiengtho, Pasal pawl khâk loh.*
- ❖ *GAY Pasal le Pasal taksa nawpsakna, kipawlte tawkuo-hûk.*
- ❖ *SEX - Chi, Suon neihtheih nalam. Anu Achal kipiekna.*

Zie thu hih ataka thiltung ahi a, Internet apata kilasawn ahi.



Zie a Martarte thagau hih lawmman sangpen HINNA LALLUKHUK chang ahiu ui. Thup. 2:10

THAWHKITNA LI NA CHU :
Thup. 20:4-6. MITHI DANGTE VANG chu kum sangkhat akivei masang sieh chuh hingta dih puonau. *Thup. 20:5.* Judate kum sang lalgam a chu kiti ahi. Jerusalem chung a chun kipak ing ka ting. Ka mite chung ale kipak tangka Lalpan a tii. Zieziekchun thilsiem cheng chengte chun Pathien chate kilakna ding chu a ngaklah ngal ua. Rome 8:19.

KUM SANG LALGAM A THILTUNGTE :

1. Kah thawm het hita puona.
2. Nautil athi um ta puona.
3. Amau In ding kisak tan au. Midang in laksak ta puona tihna ahi.
4. Midang dingin Grep huon bawl tapuon au.
5. Ka mite chu thing bangin damsawt unau.
6. A thawn in semgim ta puonau.
7. Vangsietna ding chauh in cha hing ta puonau.
8. Ngei leh Belam No ta khawm tan au.
9. Sakeibaknei in buh pawl ne tana.
10. Gul an ding chuh leivui hi tana. Isai 65:15 ff.

Zie kum sang lalgam kimat ding dan hi gel chim thei puoi tiu. Chamna Lalpa chu A lal un chu'n tin chunglam Jerusalem thak/Paradis a umte I va khawlai len ding uh ahi.

Pu Zompau in “*Jakob guolph a lei sang kha tih lehAnuom na maizen ding e !! Nun tawp laulo in leng tang ka*”. Zie kum sang Lalgam hi abeih tieng leh mithi dangte Evi leh Adam apan ginglo te chu THIEMLOH CHANG DINGIN AHUNG THOUA. Hinna lehkhabu a keu ua, amin uh a umloh phat in KAH LEH HAGIELNA MEIDIL A chun apaihlut tau hi. ZIE HI THAWHKITNA LI NA chuh ahi. *Thup. 20:11ff.*

Unau deihtak te haw thawhkitna chili I gen lak ua hin midang adinga gello in nangmah kingaihtuoh bangin kingaihtuoh hi ting un, I thawhkit ding dan uhi ngaihtuoh takzet hi tiu.

Atawpna dingin :- Chun, Kumsang lalgam chu tawp tan tin, KEL NAM leh BELAM NAM khenna um tan a. Veilam ah na chieh em, changlam ah na chieh em ? kingaihtuoh hi tiu. Nangthu thu ahi. Lalpan a thu malsawm ta hen. Amen.

hun buoium kum thum leh a chanve chu HUN THAWVENG hiding ahi. Zie kumthum le a chanve hun buoi um hi TRIBULATION tih uh chuh ahi. Zie hun haksa hi huomlo in Lalpa Isun a mi THIENGTHO hungla tana. Thess. 4:16. Lalpa ngei chu kiko thawm tawh vansawlchak chungnungpen aw tawh, Pathien PENGKUN GI TAWH Van apat hungsuk ding ahi ngala. Thess. 4:16. Krista a thi masate chu tho masau intin, zie nung chuleh ei uh hinga ana um nalai te hi Van thamzawla Lalpa muok ding in LAKTOH in um tai tiu. Thess 4:16-18.

MITHIENGTHOTE LAKDAWK ahiah zawh takin khawvel hi buoina men in buoi puona. Lal sawmte hung kizawmkhawm untin, zie chuh Ten Common Market atih uh chuh ahi. Zie Lal Sawm kizawmkhawmte chun kiguol takin I card khat siem untin , zie I Card Number chuh 666 ahi. Zie Number neilote chun zie khawvel Lal gama hin chan nei puonau.

Thuphuon 20:4-5 : Chun SAHANG leh alim chibai buk lo a, a CHAL ahim AKHUT ahim a melchikna neilote thagau chu ka mu a. Zie haw chuh ahung HING/THO tau a, kum sangkhat Krista tawh vai ahawm tau hi. Thup. 20:4-5 Zie

mithiengtho Lawi (Rapture) zawh in Rapture a ana tellote Pathien gingcha ngal, hukdam na kham hilote chun Hukdam hih guon zie SAHANG Number 666 la ta puou intin, Lusum bansum in Hukdam chang untin zie chuh Martar te thagau ka mui atih chuh ahi.

Chun, zie haw hih hehpih John in Patmos tuikuol a ana mulaw kit a. Hiti hin atii, Aw Lalpa, mithiengtho leh diktak bangchan ahim vaihawmlo a na um ding. Lei a umte chung a ka thisan uh, pawtna PHUBALALO A um ding tin akiko ua. Akawm ua PUONVAM apie chiet a, NA SUOHPIHTEU amau haw tawbanga thah dingte chu akim masang sieh tin PUONVAM piea. Zie thah dingte kum sang lalgam kipat ding kuon a tiemtehna number 666 neilo/la nuomlo te hih atihna ahi. Thup. 6:11-12. Zie Martar te hi kumsang Lalgam kipat ding kuon cha hin Special in amau ading tum in THAWHKITNA GUOTSAK ahi. Zie hih thawhkitna thumna chu ahi.

Aw thawhkitna ni lopi thihna zopa,

Khaw thiengtho achun ei pui in,

Luigal gamnuom achun,

Buoi leh thihna zo in zaila sangka.

THIL AHIHNA BANGA MAITUOH NGAM HANSANNA

(COURAGE TO FACE REALITY)



Rev.Thangkhawsiem
Exe. Director, ESC.

“Lau kiu unla, na kawm uah ka um zing hi! Na Pathien uh ka hia, lungkie kiu inla. bangman hunhah lau kihen, Hun suhat ing ka ting, ahi hun panpih ingka”. Isai 41:10.

Mi khen khat in thildik/ thudik tung zinglai akimaituoh pih nuomloh chun zie chuh kilepsan/kimuhloh sak tih ahi sek hi. Khutitawbang mi chuh adamlo le akitisek hi. Khutibangmahchun, Pawlpi (Organization) le ahisek hi. Pawlpi thil hin, mimal thil hileh mi tamzawte chieh dan chuh, thudik/thutak tungzinglai asie apha kimaituohpih loa kilepsan mi tamtak aum hi. Thil him him kilepsan/ kihetloh sakna thil aum tamphawt leh pawlpi ah hisellohna atam hi. Pawlpi/Sapchuum a tulaitaka thil tunggeite kihetloh sak puitu umna a chun pawlpi a dinga hiselna aum thei puoi. Aziek chuh amau kisukbuoi anawploh ziek un aki mumawhsak sek ui.

Tununga thil hungtung ding muhlawktheihna apawimawh

bangin, tulaitaka thiltung asie apha ngamtaka kimaituohpihna chu a pawimawh hi. Vangsiet umtak khat chuh, khenchuum neihna ziek ahim a dik panpih ngamlohna zieka, I tuoklai thilteu kihetloh sak hi vangsietna chu ahi.

Puitu (Leader) khat hihna ziekin thil cheng chu aphapen a muh I nuom chiet hi. I ngaihtuohnau leh eimah hihna khat chu Nau piengkawm bangin a chieh a, zie chu ei puitu chu ahi. Kipuihna hawih aum na ah hinkhuo a hawih hi. Aphalam ngawncha deihna zieka kieng-le-kima thiltungte kihetloh sak mai chu, tununga dinga lauhumtak ahidan het a pawimawh hi.

Sapchuum thu ah, kum cheng leh Sapchuum a puitute

alien leh alal cheng kimukhawmin kivaihawm khawmna neih zel ahi. Kumtamtak chuh Sapchuom sumlepai haw hi, Sapchuom programmee siemna, khawmpi, Camp, Crusade a dingin akimnagzo sek hi. Zie haw cheng hi “Krista nungzuitu” siemna dinga, Krista zala mite hinkhuo thensakna ding (Transforming) ngaihtuohna hi ding ahi. Achang leh nungzuitu siemna sanga, Nekk Hawthmna am chang ummawh puon a maw? Thil khenkhat a chieh dan akitup tapuoi tih mipin ahun het tieng leh Mipi kikhawmle a tawm hei hei seka, kalkhata khatvei kikhawp hile pha huntaw mah mah a ngaihna apieng sek hi.

KIDOPI NIHNA HUN IN Winston Churchill in Statistic Office khat ahawng dawka, zie statistic akawihlawhna pen chuh kidopi hunlaia a thiltung, thutak leh thudik um haw hetdawkna dinga Office chu asiem ahi. Zie hi bittaka aum theihna ding leh sepaih kivaihawmna, Government kivaihawmna haw laka bittaka aum theihna dingin venbitna hawihak neiin asiem hi. Amah chun, thil atak a tung haw kichientaka hetdawkna loin vaihawmna diktak leh thupukna dikktak um theilo ding ahi tih ahetchien ziekin, guntakin asiem hi. Khawvel thil

leh sapchuoma puitute dingin , hunchiehsa a thiltung haw hetna dingin (Information) chuom chuom laka thil diktaka sutdawk chu tulai a puitute a dinga le pawimawh chona lien taka hi zing hi. Thil hi adikna TAK MUHDAWKNA DINGIN haksatna tamtak aum theia, natak le tuok ngai ding ahi. Zie bang thil haksatak hihna dinga ahin HANSANNA apawimawh mah mah hi. Mitamtakte chuh dawilawk zieka bangmah hihtheilo aum kit hi.

Tununga dinga thilpha ahung pawt theihna ding chun, thutak/diktak (reality) tawhsaisanna lo chun bangmah hitheilo ding ahih dan hetchiet a pawimawh hi. Tulaitaka thil asie le atungzing laite kimuhlohsak hile Sapchuom/ Insunga dinga hisellohna leh tununga dinga vangsietna lientak hung hi ding ahi. Ui-lut chuh anatna tak mekloha sukdam theih ahi puoi. Jim Collins chun “**Lawi-upa hihna chu muhlawkna (Vision) chauha chiehtha thei leh kipan ahi puoi. Akipatna diktak chuh-mipite chung a/laka thiltung huoisie tak tak haw kimaituohpih ngamna a puituhihna hi hung kibulpat ahi. Mi pilvanglo I hih chun, thiltung huoisie tak tak haw chu limsakloa, kihetlohsak ahim, kimuhlohsakna a thil hung kipan ding ahi**”

Aw khawpi thak na hawih ngei ie!!
Na sung ah zosate leng,
Azawhna lathak sa ding chu
khawvel beihtak a dingin a sittai.
Zie phat tieng chuleh lawpin
lasang ka,
Lal lemguotsa kumsawt In chu
chang tang ka ting,
A nuom na maizen ding e, lawp
aum na ding e !!
HIN TAWP LAULO IN LENG
TANG KA, AMEN.

THAWHKITNA NIHNA : *Thess 4:15; I Korinth 15:51-54.* Himahlele mi dang kinepna nei lo te banga na umlohna dingun IPMU te chanchin na hetloh uh ka nuom puoi. Isu a thi a ATHAWHKIT bangin Isu a thite thokit ding ahiu. *Thess 4:13-14.*

Lalpa ngei chuh KIKO thawm tawh vansawlchak chungnungpen Aw tawh Pathien PENGKUN gi tawh van apan in hung ding ahi ngala. Zie nung chuleh Ei uh hinga ana um nalai te hi Lalpa MUOK dingin van thamzawla MEI laka laktoh in um tai tiu. *Thess. 4:16-18.*

Zie hi THAWHKITNA nihna chuh ahi. Evi leh Adam apan a Mi thiengtho thi ta te thagau kha Lalpa Isu'n a thawhpih tai tih I gen tau kha. THAWHKITNA nihna hih Lalpa Isu a thih/Pentecost ni

akipan ding ahi. Zie RAPTURE mitheingtho lawi le I tiu hi. Ngaithiem u, THUGUK ka hun hilh na hui hi. I bawnun ipmu khel puoi ting un, himahlele I bawn un SUK DANGLAM in um tai tiu. Pengkun chu gi ding ahi ngala. I Korin 15:51-52.

Vanthamzawla pengkun chu hung gin tin, hilele piengthak/ginglo ten zie chuh helo ding ahiu hi. Chun mihiem chapa hungkitna ding chule khuti mah bang chu hina. Zie phat chuleh, Lo a mi nih um intin, khat lak in um intin, khat chu nutsieh in um ina. Numei nih buh gawihgawpna ah um intin khat lak in um intin, khat chu nutsieh in um ina. *Matthai 24:40-41.* Zie khawvel HANSIEDAWL/SAPSIET na gam ahin kikkenpi na um intin buoina men in buoi puona. Hilele Lalpa Isu a laktoh a umte chun hiti hin tin au.

“*Khawvel gimum hi zuk galthil ka ting, ka vakvaihna gam hi. Zie chun ka MITTHI pawtta puona, ka LALPAN ei na pawm intin nunglam ngai ta puong ka*” *Gingtute ading in zie khawvel hi um takna ei puoi Halleluijah Amen.*

THAWHKITNA THUMNA : *Thuphuon 20:46.* DANIEL hapta 70 tawp lama kumthum leh achavne

THAWHKITNA CHILI (4)

By- S. Jangpu Gangte
Chief of Muntha

THAWHKITNA masapen a telte chu ahamphau ui, a thiengtho ui. Ziete chungu chun THIH nihna chun thu him him anei ta puoh ngala. Thup. 20:6

1. Sawlchak Paul in Pathien lama THAWHKITNA aum hi tih ka heu hi. *Nasepte 24:15*
2. Chun, Krista chu KAIHTHAWH a aum loh chun ka thugen uh bangmahlo hintin na ginnau hile bangmahlo mai hina. I Korinth 15:14
3. Lalpa Isun MIPHATE thihna apat A THAWHKITNIU leh Pathien in Dinkit ding ahi ngala. Luke 14:14
4. Martar te thagau Thokit ding ahi. Thup. 6:19-11
5. Thilhih gilote vang chuh mawhchang in thokit un au. Johan 5:29

THAWHKITNA KHATNA:
Lalpa Isu Kross lekah ngeihtakin akiko a, a thagau athah ta a. Ziephet chun, Jerusalema puonzak chu achung lam apat in alaitaka h ahung kithek a. Thiempu lienpen

in kumkhat a, khatvei khel a lut phallohna MUNTHIENG PEN chu alang tai. Zie mai chule hilo in THAN KAWTKHAK SUONG mi tamtak in a dawp chawn sek u kha amah leh amah ahung kihawng tai. Matthai 27:45-46; 24:1-5.

Chun Evi-leh-Adam apat a MITHIENGTHOTE THAGAU chu ahung tho tau hi. Thuthunlui hunlai chun MITHIENGTHO thagau chule SIAWL LEINUOI A kawih ahui. Mahleh Lalpa Isu'n zie LEISIET SAPSIETNA gama umdingin apha ta puoha, chunglam PARADIS/ New Jerusalem akhun a chawnto tai. Zie ziekhun laphuoktu te chun "Chunglam Jerusalem thak khu Mithiengtho te khawpi ahi atii. Matthai 27:52-53.

Chuleh, tua Thuthunthaka Gingtu/piengthak a na thi/ana chiehte cheng cheng hile thuthunlui a mithiengtho hungtho te cheng cheng tawh Jerusalem thak/paradis a khuh lengkhawm ding ahi tau hi.

Tulaitaka thil tungte kimaituohpih chu thil haksatak chu ahi a,mahleh apawimawh mah mah hi.Puitute dinga Thupiek 7 te chuh.

1. Alim thawh mai mai na hihloh ding ahi (Not pretending).
2. Thil kimuhlohsak chingkin.(Not turn a blind eye).
3. Hihna sanga letzawkhloh ding ahi. (Not Exaggerate).
4. Thuphalo (Bad News) neitu chu kap ziang kin.
5. Ahihna diktak chuh selmang kin.
6. A phalama nielkahlhna chu ngainep kin.
7. Nangmah mai a chuom ah umzing kin (Isolate).

KHANGTHAK LAWI-UPATE DINGA CHONA LOPITAK HAW.

1. Puitu hihna zieka bang ahi na laupen, na kituohpih ngamloh um chuh?
2. Zie na lauh haw chu bangtia

hung kilang,bangtika hungtung ding ahim?

3. Lawhtitlohna haw hi bangtin na genchien theidem,hunpha thahsuok ziek ahidem?
4. Hunpha na neih haw ah bangin ahun dinsakpen hi?
5. Na lungtup/vision/dream hawihtak umngal mahleh lawhtitloh ding lauhna zieka na nung lama na kawih aum em?

Zie achunga kigen haw hi Sapchuoma puitu. Pawlpi,Naupang,Numei leh department chuom chuoma te leh mimal tinin ngaihtuoh thaka,tunung a I chieh dan uh,Pathien nasep khawmna haw ahatzawk theih na dinga; Hangsantaka thildik dinpah ngam I hih theihna dingun panthak la chiet a,malam sawn zel thei ding in Lalpa'n ei vangsak chiet ta hen.



Pauchampih zing in

Mission Conference - 2016

- Venue: ESC Secretariat Compound
- Date : 4-7 Feb. 2016

Thupi : **"Lithuk lam zuon in nalen sep un "**

Lk. 5:4

KRISTIEN INSUNG



- Upa Lalkhokam Gangte
Tuibuong, Churachandpur.

I. KRISTIEN INSUNG A NAWP THEIH NA DING IN.

1. Nu leh Pan Pathien a hinna aneih loh chun Insung nuom theilo ahi.
2. Pathien apat hehpihna tello ahih chun nuom theilo ahi.
3. Tekpi leh Mo akiho theih phawt chun anuom hi, Ruth leh atekpi Na-ommi abat uh ngai ahi.
4. In kuon khat chuh ho lim thei zing leng insung ahulum sek hi.
5. Thihni nasan a kiholo, ki inchuon nung ale kitawhlo haw khu Krista Lalna insung ahi puoi.
6. Insung kigensie tuoh lo chu anau avak hi, vangsak in um un au.
7. Mi gensie hat haw khu agen teu sanga phalo zaw ahiu hi.

II. KRISTIEN INSUNGA CHATE CHU GO MANTAM PEN AHIU HI.

1. Lehkha athiem ding uh i deih leh chutpih tei ding ahi.
2. A het tieng chauh uleh haih sak ding ahi.
3. Chapang et zui zing ding ahi.
4. Siel thih nung a siel dai kai kiti khu a kikhel ta gen na ahi.
5. Thik asat lai a sek ding ahih bang in , Aneu lai cheng uh i khut a um ahiu hi.
6. Akikhel nunga kisik khu ana diek hi.
7. Ka cha neih ka kisik hi tih chu tuolthat tawbang ahi.

III. CHAPANG PHA DING MELCHIKNA CHUH:

1. Anu leh Pa Ho-lim lai azah thiem ui.
2. Anu leh Pa mit mei a en sek ui.
3. Holim a su buoi sek puou hi.
4. Cha pil ding te'n dawt ding ahau sek ui.
5. An nek lai leh a nuok sek puoi.
6. Mi tih tih lem asa sek ui.

7. Mi piek dan dan a ne sek ui.

IV. IN CHEN GUO LEH KHANG TO DING HAW CHUH:

1. Buh leh bal um lai chan hawl guo loin aum sek puou hi.
2. Nek ding umlo in kilungsiet theih zing ahi puoi tih aheu ui.
3. Aum sa beih mangei in hawl beh ding angaih tuoh sek ui.
4. Thil zawk ut ten bang mah anei thei puou hi.
5. Nulehpa lamsa it na zie helo chun lungsiet na le anei tawm hi.
6. Sum leh pai muh na sangin amat na lam angai pawimawh zawu hi.
7. Diktatna a In leh Lo lam tei guon tha asuoh sek ui.

V. TEKSETE THUGEN SEK HAW:

1. Na nulehpa na bawl bang banga nangle na chate'n hun bawl ding ahiu.
2. Teksie na zah lohleh na tek tieng min hun zah lo ding ahiu.
3. Na nulehpa na vuih leh nangle na chate'n hun vui tei un au.
4. Insung a teksie thisate kampau thuvaithak gel khawk ding.
5. Teksie te ki niel pih ngeiloh/muhsit ngei loh ahi.

VI. NU LEH PATE HET DING

1. Mi gensiet hat insunga hung seilien chapang chuh mi dem ahat hi.
2. Ki engbawl tuoh na nuoi a seilien chapang chuh kinak a ut hi.
3. Ki gaih hat insunga seilien chapang chuh azah kai hi.
4. Mi dawh hat nuoi a seilien chapang chu athuok hata adawh thei hi.
5. Kinepna nei zing puma kilam kaih chapang chun mahni ki muonna anei hi.
6. Naupang na pahchak sek chun het thiem na nei chapang hung hi ding ahi.
7. Gin umna nuoi a seilien chapang chu a diktat hi.
8. Thamun na nuoi a khanglien naupang chun ginna hatmi ahung hi sek hi.
9. Hetthiem na neite Insung a hung seilien chapang chu alung alien nuom ui.
10. Deihsak na leh hetthiem na nuoi'a seilien chapang chun mi ahehpih thiem hi.

Simtute cheng cheng Lalpa'n vangsak ta hen.